



ადგილობრივი მართლმადიდებელი ეკლესიების მეთაურებმა სსკგ-ს თავმჯდომარეს 55 წლის იუბილე მიულოცეს



2021 წლის 24 ივლისს, წმინდა მოციქულთა სწორის მთავრინა ოლღას, ნათლობაში წმინდა ელენეს, ხსენების დღეს, მოსკოვის საპატრიარქოს საგარეო საეკლესიო კავშირების განყოფილების თავმჯდომარემ, წმინდა მოციქულთა სწორთა კირილესა და მეთოდეს სახ. ზოგადსაეკლესიო ასპირანტურისა და დოქტორანტურის რექტორმა, ვოლოკოლამსკის მიტროპოლიტმმა ილარიონმა საღვთო ლიტურგია აღასრულა სასწაულთმოქმედთა, მონამეთა და აღმსარებელთა, ჩერნიგოვის მთავრის მიხეილისა და მისი ბოიარის თეოდორეს სახ. ტაძარში, რომელიც შედის ჩერნიგოვის საპატრიარქოს მეტოქის კომპლექსში. მეტოქის შენობებში განთავსებულია ზოგადსაეკლესიო ასპირანტურა და დოქტორანტურა.

ამ დღეს მეუფე ილარიონს 55 წლის შეუსრულდა.

საღვთო ლიტურგიაზე მღვდელთმთავარს თანამწირველობა გაუწიეს მოსკოვის საპატრიარქოს საქმეთა

მმართველმა, ვოსკრესენსკის მიტროპოლიტმა დიონისემ, ანტიოქიისა და სრულიად აღმოსავლეთის პატრიარქის წარმომადგენელმა მოსკოვისა და სრულიად რუსეთის პატრიარქთან ფილიპოპოლის მიტროპოლიტმა ნიფონმა, სარანსკისა და მორდოვის მიტროპოლიტმა ზინობიმ, სერბეთის პატრიარქის წარმომადგენელმა მოსკოვისა და სრულიად რუსეთის პატრიარქთან მორავიჩის ეპისკოპოსმა ანტონიმ, სსკგ-ს თავმჯდომარის მოადგილემ არქიმანდრიტმა ფილარეტმა (ბულეკოვი), ჩეხეთის მიწებისა და სლოვაკეთის მართლმადიდებელი ეკლესიის წარმომადგენელმა მოსკოვის საპატრიარქოს საყდართან არქიმანდრიტმა სერაფიმემ (შემიატოვსკი), კარლოვი-ვარში რუსეთის მართლმადიდებელი ეკლესიის მეტოქის წინამძღვარმა დეკანოზმა ნიკოლოზ კიშჩენიუკმა, სსკგ-ს მდივანმა მართლმადიდებელთაშორისი ურთიერთობების საკითხებში დეკანოზმა იგორ იაკუმჩუკმა, სსკგ-ს მდივანმა შორეული საზღვარგარეთის საქმეებში დეკანოზმა სერგი ზვონარიოვმა, სსკგ-ს მდივანმა ქრისტიანთაშორისი ურთიერთობების საკითხებში მღვდელმონაზონმა სტეფანემ (იგუმნოვი), სსკგ-ს მდივანმა რელიგიათაშორისი ურთიერთობების საკითხებში მღვდელმა დიმიტრი საფონოვმა.

სადიაკვნო მსახურებას უძღვებოდა სსკგ-ს თავმჯდომარის მოადგილე, მთავარდიაკონი ვლადიმერ ნაზარკინი.

ღვთისმსახურებაზე ლოცულობდნენ ვოსკრესენის ნოვოდევიჩის მონასტრის წინამძღვარი ილუმენია სოფია (სილინა), სსკგ-ს თანამშრომლები. საგანგებო კვერექებზე აღვლენილ იქნა ლოცვითი ვედრება კორონავირუსული ინფექციისგან სახსნელად.

საგანგებო კვერექის შემდეგ მეუფე ილარიონმა მოარული სენის გავრცელებისას საკითხავი ლოცვა აღავლინა.

ლიტურგიის დასრულების შემდეგ მოსკოვის საპატრიარქოს საქმეთა მმართველმა ვოსკრესენსკის მიტროპოლიტმა დიონისემ, მიტროპოლიტ ილარიონის 55 წლის იუბილესთან დაკავშირებით, მოსკოვისა და სრულიად რუსეთის უწმინდესი პატრიარქის მისასალმებელი ადრესი გააუღერა. რუსეთის მართლმადიდებელი ეკლესიის წინამძღვრის სახელით, მიტროპოლიტმა დიონისემ სსკგ-ს თავმჯდომარეს მაცხოვრის უძველესი ხატი და თეთრი ვარდების თაიგული მიართვა.

ანტიოქიის უნეტარესი პატრიარქის იოანეს სახელით მეუფე ილარიონს დაბადების დღე მიულოცა ანტიოქიისა და სრულიად აღმოსავლეთის წარმომადგენელმა მოსკოვისა და სრულიად რუსეთის პატრიარქთან, ფილიპოპოლის მიტროპოლიტმა ნიფონმა. უსურვა რა სიკეთე, ჯანმრთელობა და შემდგომი წარმატებები მაღალ პოსტზე რუსეთის ეკლესიის სამსახურში, მეუფე ნიფონმა, კერძოდ, ბრძანა: „თქვენ, ძვირფასო მეუფევ, ეკლესიისა და სამშობლოს ერთგულებაში მაგალითის მიმცემი ხართ თქვენ გვერდით მსახურთათვის. თქვენს მრავალმხრივ განათლებას ეკლესიის სასარგებლოდ იყენებთ: უძღვებით ეკლესიებსა და ერებს შორის კავშირების განმამტკიცებელ უძველეს სინოდალურ განყოფილებას. თქვენი ნათელი სამწყემსო სიტყვა, საინტერესო საღვთისმეტყველო წიგნები, ამაღლებული მუსიკა – ყველაფერი ეს ადამიანებს წმინდა ეკლესიის სიმდიდრეს აზიარებს“.

„დაე, გარდამოგივლინოთ უფალმა თავისი მაღლი თქვენი კეთილი განზრახვების შესასრულებლად რუსეთის ეკლესიისა და დიდი რუსეთის სადიდებლად“, – ბრძანა დასასრულს ფილიპოპოლის მიტროპოლიტმა ნიფონმა.

მისასაღმებელი წერილი მიტროპოლიტ ილარიონისადმი მიღებულ იქნა, აგრეთვე, წმინდა ქალაქ იერუსალიმისა და სრულიად პალესტინის უნეტარესი პატრიარქის თეოფილე III-სგან.

სერბეთის პატრიარქის წარმომადგენელმა მოსკოვისა და სრულიად რუსეთის პატრიარქთან, მორავოჩის ეპისკოპოსმა ანტონიმ გააჟღერა უწმინდესი პატრიარქის პორფირის მისალოცი ადრესი. ჩეხეთის მიწებისა და სლოვაკეთის უნეტარესი მიტროპოლიტის როსტისლავის მოლოცვა გაახმიანა ჩეხეთისა მიწებისა და სლოვაკეთის მართლმადიდებელი ეკლესიის წარმომადგენელმა მოსკოვის საპატრიარქოს საყდართან არქიმანდრიტმა სერაფიმემ (სმიატოვსკი).

მოსალოცი წერილები რუმინეთის, ბულგარეთის, პოლონეთის მართლმადიდებელი ეკლესიების მეთაურებისგან, ასევე მოლოცვა ამერიკაში მართლმადიდებელი ეკლესიის წინამძღვრისგან, გააჟღერა სსკგ-ს მდივანმა მართლმადიდებელთაშორისი ურთიერთობების საკითხებში დეკანოზმა იგორ იაკიმჩუკმა.

შემდეგ დამსწრე საზოგადოებას მიმართა მიტროპოლიტმა ილარიონმა:

„თქვენო მაღალყოვლადუსამღვდელოესობავ, მაღალპატივცემულო მეუფევ დიონისე, თქვენო მაღალყოვლადუსამღვდელოესობავ, მეუფევ მიტროპოლიტო ნიფონ, მეუფევ მიტროპოლიტო ზინობ, თქვენო ყოვლადუსამღვდელოესობავ მეუფევ ანტონი, ძვირფასო მამებო, ღირსეულო დედავ ილუმენია, ძვირფასო ძმებო და დებო!

უპირველეს ყოვლისა, მინდა ღვთისადმი მაღლობა გამოვხატო იმ წლებისათვის, რომლებიც მინაზე გავატარე, ყველაზე მეტად კი იმისთვის, რომ სიყრმიდანვე მიხმო უფალმა თავის წმინდა ეკლესიაში და ყოველდღე ვიღებ ეკლესიისგან სულიერ ულუფას, სულიერ ნუგეშს და აღმაფრენას ყველა იმ შრომაზე, რაც უფლისგან სამღვდელთმთავრობო დავალებით მეძლევა. ამ აღმაფრენის გარეშე ვერაფერი შესრულდებოდა იმათგან, რაც შესრულდა და რაც სრულდება.

ჩვეულებრივი სამრევლო მღვდლის მსახურება აღემატება ადამიანურ ძალებს – მღვდელმა ან საკუთარ თავზე უნდა აიღოს სხვა ადამიანების წუხილი, ტკივილი, ცოდვა ან ისწავლოს, საკუთარი გულის გავლით ყველაფერი ეს ღმერთს დატვირთოს. ხოლო თუ მღვდელთმთავრებზე ვილაპარაკებთ, ვისაც საეკლესიო მთავრობა ავალებს მაღალ საპასუხისმგებლო მორჩილებას, მაშინ ეს პასუხისმგებლობა მრავალჯერ იზრდება. და არანაირი ადამიანური ძალა არ იქნება იმისათვის საკმარისი, რომ ვატაროთ ეს საეკლესიო მსახურება, თავად უფალი რომ არ განგვამტკიცებდეს ჩვენ, მღვდელმსახურებს, თავისი მაღლით.

ზოგჯერ ჩვენს ცხოვრებაში ისე ხდება, რომ ჩვენი ხორციელი ძალები უძლურდება. მაგრამ არასდროს უნდა დაუძლურდეს სულიერი ძალები, რასაც თანამედროვე ენაზე გამოწვა ჰქვია, როცა ადამიანი უცებ კარგავს იმ მსახურების გემოს, რაც ევალება. ეს ყველაზე სავალალოა, რაც შეიძლება მღვდელმსახურს დაემართოს. ღმერთმა ინებოს, რომ არც ერთ ჩვენგანს არ მოუხდეს ასეთი ნუთების განცდა, რაზედაც ზოგჯერ ჩვიან თანამედროვე სასულიერო პირები.

უფალი, გვამტკიცებს რა სამღვდლო მსახურებაში, მუდმივად გვაძლევს შესაძლებლობას, ვეზიაროთ მას ლოცვებით, წმინდა ექვარისტით, ვეზიაროთ ქრისტეს წმინდა საიდუმლოებებს. სწორედ ყოველივე ეს გვაძლევს ძალებს ჩვენი მსახურების აღსასრულებლად.

მინდა გულითადი მადლობა გადავუხადო მოსკოვის და სრულიად რუსეთის უწმინდეს პატრიარქ კირილეს, რომელმაც მეოთხედ საუკუნეზე მეტი ხნის წინ მიხმო თავის გუნდში და რომლის თანაშემწეც ვარ მთელი ამ წლების განმავლობაში. მადლობელი ვარ ჩემ მიმართ გამოჩენილი ნდობისათვის, იმისათვის, რომ შესაძლებლობა მაქვს, პასუხისმგებელი ვიყო საეკლესიო საქმიანობის ერთ-ერთო ყველაზე მნიშვნელოვან სფეროზე – საგარეო საეკლესიო კავშირებზე. მოხარული ვარ, რომ დღეს აქ, ჩემ გვერდით, იმყოფებიან საგარეო საეკლესიო კავშირების განყოფილების თანამშრომლები.

გულითადი მადლობა მინდა გადავუხადო თქვენის მეშვეობით, ძვირფასო მეუფე ნიფონ, მის უნეტარესობას, ანტიოქიისა და სრულიად აღმოსავლეთის უნეტარეს პატრიარქს იოანე X-ს კეთილი სიტყვებისათვის, რომლებიც თქვენი მშვეობით გადმომცა, და იმ კეთილი თანამუშაუკობისთვის, ბევრწილად თქვენი ღვაწლით რომ დამყარდა ჩვენს ორ ეკლესიას შორის.

მინდა გულითადი მადლობა გადავცე მის უწმინდესობას, სერბეთის უწმინდეს პატრიარქ პორფირირის თქვენი მეშვეობით, ძვირფასო მეუფე ანტონი, და ასევე მადლობა გადაგიხადოთ მრავალწლიანი კეთილსინდისიერი მსახურებისათვის, რომელსაც თქვენ ეწვეით, – განამტკიცებთ რა ორმხრივ კავშირს ჩვენს ეკლესიებს შორის.

მინდა გთხოვოთ თქვენ, ძვირფასო მამა სერაფიმ, გადასცეთ ჩემი მადლობა მის უნეტარესობას, ჩეხეთის მინებისა და სლოვაკეთის უნეტარეს მიტროპოლიტ როსტისლავს კეთილი სიტყვებისათვის, რომლებიც მან ამ ღირსახსოვარ დღეს მომიძღვნა, და მადლობა გადაგიხადოთ თქვენ იმ მსახურებისათვის, რასაც ასრულებთ რუსეთის მართლმადიდებელ ეკლესიასა და ჩეხეთის მინებისა და სლოვაკეთის მართლმადიდებელ ეკლესიებს შორის კავშირების გასამყარებლად.

გულითადი მადლობა მინდა გადავუხადო იერუსალიმის უნეტარეს პატრიარქ თეოფილეს, რუმინეთის უნეტარეს პატრიარქ დანიელს, ბულგარეთის უწმინდეს პატრიარქ ნეოფიტეს, ვარშავისა და სრულიად პოლონეთის უნეტარეს მიტროპოლიტ საბას, სრულიად ამერიკისა და კანადის უნეტარეს მიტროპოლიტ ტიხონს – ჩემი მისამართით მომართული მოლოცვებისათვის.

ჩვენ რთულ დროს გავდივართ, როდესაც მართლმადიდებელთა შორის კრიზისს დაემატა ის კრიზისი, რომლითაც ახლა მთელი მსოფლიო არის მოცული. ჩვენ ვლოცულობთ იმისთვის, რომ მალე დასრულდეს განსაცდელი, რომელიც გვეწია. ვლოცულობთ იმისთვის, რომ უფალმა მოგვმადლოს ჯანმრთელობა და ცხოვნება და ყველაფერში კეთილი მოშურნეობა.

ძალიან მინდა, იმდი მქონდეს, რომ ჩვენი მწუხარების ჟამი გაივლის და დადგება ჟამი სიხარულისა, როცა ჩვენ კვლავ შევძლებთ ღვთისადმი მადლიერებით აღვუვლინოთ მას სამადლობელი ლოცვები დამლუპველი მთარული სენისგან დახსნისათვის“.

შემდეგ მიტრიოპოლიტმა ილარიონმა საპატრიარქო ჯილდოები გადასცა სსკგ-ს თანამშრომლებს საგარეო საეკლესიო კავშირების განყოფილების 75 წლის იუბილესთან დაკავშირებით.

მთავარ დანიელ მოსკოველის (III ხარისხის) ორდენით დაჯილდოვდა სსკგ-ს მდივანი მართლმადიდებელთაშორისი ურთიერთობების საკითხებში დეკანოზი იგორ იაკიმჩუკი.

ღირსი სერაფიმე საროველის (III ხარისხის) ორდენით დაჯილდოვდა სსკგ-ს პროტოკოლების სექტორის გამგე ილუმენი თეოფანე(ლუკიანოვი).

მედალი – „პატრიარქის მადლობა“ გადაეცათ სსკგ-ს მდივანს შორეული საზღვარგარეთის საქმეებში დეკანოზ სერგი ზვონარიოვს, სსსკგ-ს მდივანს ქრისტიანთაშორისი ურთიერთობების საკითხებში მღვდელმონაზონ სტეფანე იგუმნოვს, სსკგ-ს მდივანს რელიგიათაშორისი ურთიერთობების საკითხებში მღვდელ დიმიტრი საფონოვს.

მთავარ დანიელ მოსკოველის მედლით დაჯილდოვდა სსკგ-ს თანამშრომელი მღვდელი ანატოლი ჩურიაკოვი, სსკგ-ს მდივანი მღვდელი ალექსანდრე კარზანი, სსკგ-ს კომუნიკაციების სამსახურის გამგე მღვდელი ილია კოსიხი, სსკგ-ს თანამშრომელი დიაკონი თეოდორე შულგა.

ღირსი ეფროსინე მოსკოველის მედლით დაჯილდოებულია სსკგ-ს კანცელარიის გამგე მონაზონი იულიანია (ზახაროვა).

ეკლესიის საკეთილდღეოდ გულმოდგინე შრომისათვის პატრიარქის სიგელები დაიმსახურეს სსკგ-ს თანამშრომელმა მღვდელმონაზონმა კირილე პერეგუდინმა და სსკგ-ს თავმჯდომარის რეფერენტმა მღვდელმა ალექსანდრე ერშოვმა.

წყარო: <https://mospat.ru/ge/news/87783/>